



17. august 23012

UKA 2012/17

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Pisortat oqartussaasut nalunaarsuiffii pillugit inatsit naleqqussarneqarnissaa siunertaralugu, siunissamilu pisortat suliffeqarfillu whistleblower-it pillugit aaqquissuussinernik pilersitsinnaanissaannut periarfissinniarlugit naalagaaffimmut saaffiginneqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartuni ilaasortaq Naaja Nathanielsen, Inuit Ataqatigiit)

Tunggavilersuut

Inuk whistleblower-imik taaneqartartoq tassaavoq pineqartumi nammineq nipangiussisussaassuseqaraluarluni pisunik inatsisinik unioqqutitsinernik imaluunniit uparuartariaqartunik allanik pisortanut imaluunniit inuiaqatigiinnut 'oqaatilliisoq'. Tamanna inuk pineqartoq suliffeqarfimmi imaluunniit allaffeqarfiup immikkoortortaani unioqqutitsisoqarfiusumi atorfeqarsimatillugu pinerusarpoq.

Inunnet uparuartariaqavissunut imaluunniit inatsisinik unioqqutitsillutik pisunut tatigeqatigiinneq atorlugu ilisimasaminnik annessinnaanissaasa periarfissinnissaa inuiaqatigiinnut pingaaruteqarpoq, taamatullu sulisitsisuminnit imaluunniit allanit uparuartuisussanit pillaatitut akiniutinik eqqorneqannginnissaat illersorniassallugu taamatutaaq pingaaruteqarluni.

Kukkusumik ingerlatseriaatsikkut imaluunniit inatsisinik unioqqutitsinertigut pisut paasineqartarsimanerinit allannguutinillu kinguneqartarsimanerinit whistleblower-itut taaneqartartut ukiut ingerlanerini pingaaruteqartarsimapput. Whistleblower-it tusaamasat ilagaat Frank Grevil, taassumalu paasissutissat ingerlateqqitaasa takutippaat sakkut sunik tamanik piuneerutsitsisinnaasut Irak-imi pigineqartut pillugit danskit naalagaaffianni nassuiaatigineqartut sippuisumik paasinninnikkut atorneqarsimasut.

Oqaluttuarisaanermi whist-leblower-i ilisimaneqarluartoq tassaavoq FBI-imi pisortaasok Mark Felt. Taassuma Amerika-mi Watergate-imi kusanaatsuliaq pillugu tusagassiortunut marlunnet oqaluttuartsimavoq. Taamatutaaq siorna laboratoriami sulisoq danskeq suliffimmini, tassaasumi Mærsk-imi, Nordsø-mi uuliamik maqittoortarsimaneq pillugu uuttortaanerit eqqunngitsut nalunaaru-tigineqartarsimasut pisortanut oqaluttuarpoq.

Inuit ilaasa whistleblower-imik taaneqartartoq immaqqa oqaatilliisartutut taarusussinnaavaat. Taamaattorli tamatsinnut iluaqutaasumik inatsisinik unioqqutitsilluni imaluunniit nangaanarsinnaasunik iliuutsit unitsinniarlugit iliuuseqartoqarpat tamatta inuiaqatigiittut taamaaliorsinnaaneq tapersersortariaqarparput.

Inatsisit atuuttut naapertorlugit inuk pineqartoq nalunaarsuivigineqarluni kalerrinneqarsimangippat paasissutissat inunnet ataasiakkaanut tunngasut nalunaarsorneqaaqqusaanngillat.

Taamaammat pissusissamisuunngitsumik iliuitsit pillugit saaffiginnissut inuk pineqartoq ilisimateqqaarnagu misissuivigineqarsinnaangilaq. Taamaammallu illup iluani misissuini-saq aporfissaqangaatsiarpoq. Namminersortunut tamanna aamma atuuppoq, tamatumanimi suliffeqarfinnut namminersortunut nalunaarsuiffiit pillugit inatsit atuummat, inatsillu taanna whistleblower-inut aaqqissuussinissanik periarfissiinani. Tassa imaassorinarpoq inatsisit maanna atuuttut atorlugit whistleblower-inut atuuttussanik pilersitsisoqarsinnaangilaq. Tamakku pissutigalugit nalunaarsuiffiit pillugit inatsit nutartertariaqarpoq, taamaaliornik-kummi whistleblower-it pillugit aaqqissuussinermik pilersitsinissamut inatsisitigut aporfissat peerneqarnissaat pisinnaalissalluni.

Pisortanut aningaasatigut allaffissornikkullu kingunerisassat

Aningaasaliissutaareersimasut iluini inatsimmik nutarterisinnaaneq ilimagineqarpoq

Namminersorluni inuussutissarsiuteqartunut aningaasatigut allaffissornikkullu kingu-nerisassat

Kingunerisinnaasaanik soqanngilaq

Innuttaasunut aningaasatigut allaffissornikkullu kingunerisassat

Kingunerisinnaasaanik soqanngilaq